



UPRAVA POLICIJE

**KOMISIJA ZA IZBOR POLICIJSKIH SLUŽBENIKA U POČETNI ČIN
„MLAĐI INSPEKTOR“ I U POČETNI ČIN „POLICAJAC“**

Broj: 05-04/01-1-30-6/26

Dana: 06.02.2026. godine.

Na osnovu člana 49. Zakona o policijskim službenicima Unsko-sanskog kantona – prečišćeni tekst („Službeni glasnik Unsko-sanskog kantona“ broj: 27/24), Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Unsko-sanskog kantona („Službeni glasnik USK“, broj: 4/25 i 3/26), Odluke o popuni upražnjenih radnih mjesta u Upravu policije Ministarstva unutrašnjih poslova Unsko-sanskog kantona, broj: 05-04/04-2-30-6/26 od 15.01.2026. godine i Rješenja, broj: 05-04/04-2-30-6/26 od 02.02.2026. godine, Komisija za izbor policijskih službenika u početni čin „mlađi inspektor“ i u početni čin „policajac“, objavljuje:

J A V N I O G L A S

**za popunu upražnjenih radnih mjesta policijskih službenika u početni čin
„mlađi inspektor“ i u početni čin „policajac“
u Upravu policije Ministarstva unutrašnjih poslova Unsko-sanskog kantona**

I - BROJ SLOBODNIH RADNIH MJESTA

Pokreće se procedura za popunu upražnjenih radnih mjesta u Upravi policije Ministarstva unutrašnjih poslova Unsko-sanskog kantona za 100 izvršilaca i to za:

- čin mlađi inspektor.....10 izvršilaca;
- čin policajac.....90 izvršilaca.

II - OPĆI I POSEBNI UVJETI I DRUGI UVJETI KOJI SE SMATRAJU POTREBNIM

1) Opći uvjeti za početni čin „mlađi inspektor“:

Da bi lice bilo kandidat za kadeta za početni čin „mlađi inspektor“, mora ispunjavati sljedeće opće uvjete:

- a) da je državljanin Bosne i Hercegovine;
- b) da je životne dobi do 35 godina života (uključujući i 35. godinu života);
- c) da ima najmanje završen prvi ciklus visokog obrazovanja 180 ili 240 ECTS bodova ili VI stepen školske spreme;
- d) da je fizički i psihički sposobno za obavljanje policijskih poslova (ljekarski pregled);
- e) da nije otpušteno iz institucije državne uprave ili iz vojne službe u Bosni i Hercegovini kao rezultat disciplinske sankcije;
- f) da protiv njega nije pokrenut krivični postupak;
- g) da nije pravomoćno osuđen za krivično djelo.

2) Opći uvjeti za početni čin „policajac“:

Da bi lice bilo kandidat za kadeta za početni čin „policajac“, mora ispunjavati sljedeće opće uvjete:

- a) da je državljanin Bosne i Hercegovine;
- b) da je životne dobi između 18 i 30 godina života (uključujući i 30. godinu života);

- c) da ima najmanje IV stepen školske спреме;
- d) da je fizički i psihički sposobno za obavljanje policijskih poslova (ljekarski pregled);
- e) da nije otpušteno iz institucije državne uprave ili iz vojne službe u Bosni i Hercegovini kao rezultat disciplinske sankcije;
- f) da protiv njega nije pokrenut krivični postupak;
- g) da nije pravomoćno osuđen za krivično djelo.

Opći uvjet „da je životne dobi između 18 i 30 godina života (uključujući i 30. godinu života) za početni čin policajac i do 35 godina života (uključujući i 35. godinu života) za početni čin mlađi inspektor“, kandidat za kadeta mora ispunjavati na dan objave javnog oglasa.

Provjere uvjeta *da je kandidat fizički i psihički sposoban za obavljanje policijskih poslova (ljekarski pregled) za početni čin „mlađi inspektor“ i početni čin „policajac“* obavit će se u zdravstvenoj ustanovi sa kojom Uprava policije ima zaključen ugovor. Troškovi pregleda padaju na teret Uprave policije.

Opći uvjet „*da nije pravomoćno osuđen za krivično djelo*“, provjerava Komisija za izbor po službenoj dužnosti.

Posebni uvjeti:

Kandidat za kadeta mora ispunjavati sljedeće posebne uvjete:

- a) da nema sigurnosnih smetnji shodno utvrđenom stepenu tajnosti za radno mjesto u skladu sa Zakonom o zaštiti tajnih podataka („Službeni glasnik Bosne i Hercegovine“, broj: 54/05 i 12/09);
- b) da je zadovoljio test općeg znanja i test fizičkih sposobnosti;
- c) da ispunjava i druge posebne uvjete propisane pravilnikom o unutrašnjoj organizaciji.

Posebne uvjete „*da nema sigurnosnih smetnji shodno utvrđenom stepenu tajnosti za radno mjesto u skladu sa Zakonom o zaštiti tajnih podataka*“ i „*da je zadovoljio test općeg znanja i test fizičkih sposobnosti*“, provjerava Komisija za izbor po službenoj dužnosti.

Pravilnikom o unutrašnjoj organizaciji Ministarstva unutrašnjih poslova Unsko-sanskog kantona kao poseban uvjet za radno mjesto propisan je pristup tajnim podacima stepena tajnosti „POVJERLJIVO“.

Drugi uvjeti koji se smatraju potrebnim

Kandidat za kadeta mora da ima položen vozački ispit „B“ kategorije.

III - PRIJAVA NA JAVNI OGLAS

Prijava na javni oglas za popunu upražnjenih radnih mjesta policijskih službenika u Upravu policije podnosi se na Aneksu 1 - Prijavni obrazac za početni čin „policajac“, odnosno Aneksu 1 - Prijavni obrazac za početni čin „mlađi inspektor“.

Prijavni obrazac se zajedno sa ovim Oglasom objavljuje na Internet stranici Ministarstva unutrašnjih poslova, a može se preuzeti i u prostorijama pisarnice Ministarstva unutrašnjih poslova Unsko-sanskog kantona, Ulica 502. Viteške brigade br.2, Bihać.

Sastavni dio Prijavnog obrasca čini izjava kandidata o obradi ličnih podataka.

Sve rubrike u prijavnom obrascu moraju biti čitko popunjene.

Prijavni obrazac mora biti svojeručno potpisan od strane kandidata.

Osim dijela o izjavama, prijavni obrazac ne dokazuje uvjete iz teksta javnog oglasa, već on služi za dobivanje osnovnih informacija o kandidatu.

Kandidat koji se prijavio na javni oglas, a koji nije podnio prijavu na propisanom obrascu ili prijava ne sadrži tražene podatke ili uz prijavu nije priložio dokumentaciju utvrđenu javnim oglasom ili nije predao prijavu i dokumentaciju u predviđenom roku ili ne ispunjava uvjete javnog oglasa, ili ako nije potpisao prijavni obrazac, će biti uvršten na listu kandidata koji nisu ispunili uvjete za pristupanje testiranju.

IV - DOKUMENTACIJA KOJU KANDIDATI MORAJU DOSTAVITI

Dokazi o ispunjavanju općih i posebnih uvjeta javnog oglasa predaju se u originalu ili ovjerenoj fotokopiji i ne smiju biti stariji od šest mjeseci od dana izdavanja, odnosno dana ovjeravanja. Dokazi o ispunjavanju općih i posebnih uvjeta javnog oglasa se ne vraćaju kandidatima.

Uz prijavu na Javni oglas kandidati dostavljaju sljedeću dokumentaciju:

- a) uvjerenje o državljanstvu Bosne i Hercegovine;
- b) izvod iz matične knjige rođenih;
- c) diplomu o završenom prvom ciklusu visokog obrazovanja 180 ili 240 ECTS bodova ili VI stepen školske spreme (za čin mlađi inspektor), odnosno diplomu o završenoj školskoj spremi IV stepen (za čin policajac);
- d) rješenje o nostrifikaciji izdano od nadležnog organa u BiH, ukoliko je školska sprema stečena van BiH nakon 06.04.1992.godine;
- e) potvrdu ili uvjerenje poslodavca da kandidat nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije;
- f) ovjerena izjava kandidata da nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije;
- g) uvjerenje nadležnog suda da protiv kandidata nije pokrenut krivični postupak;
- h) ovjerena fotokopija vozačke dozvole o položenom vozačkom ispitu „B“ kategorije.

Potvrdu ili uvjerenje poslodavca da kandidat nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije, dostavljaju samo kandidati koji su bili ili su još uvijek zaposleni u institucijama državne uprave ili vojnoj službi u Bosni i Hercegovini.

Ovjerenu izjavu kandidata da nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije, dostavljaju svi kandidati.

V - VRSTE TESTOVA

Kandidati koji ispunjavaju uvjete testiraju se po sljedećem redoslijedu:

- a) test općeg znanja, koji se sastoji od ispitnih pitanja sa unaprijed sačinjene liste pitanja i tema za pisani rad koji se objavljuju na internet stranici Ministarstva;
- b) test fizičke sposobnosti;
- c) ljeakarski pregled;
- d) za kandidate koji ostvare jednak broj bodova, policijski organ može provesti drugi test koji smatra potrebnim ili opravdanim (intervju).

Sadržaj testa općeg znanja

Test općeg znanja sadrži 35 ispitnih pitanja sa liste od 300 pitanja i 1 temu za pisani rad od 5 tema, objavljenih na web stranici MUP USK - mupusk.gov.ba.

Vrijeme za testiranje iznosi 90 minuta (50 minuta ispitna pitanja i 40 minuta pisani rad).

Pitanja za test općeg znanja sastoje se iz sljedećih oblasti: ustavnopravo - ustavno uređenje Bosne i Hercegovine, Federacije Bosne i Hercegovine i Unsko-sanskog kantona, upravno pravo i organizacija uprave u Federaciji Bosne i Hercegovine, Zakon o unutrašnjim poslovima Unsko-

sanskog kantona, Zakon o policijskim službenicima Unsko-sanskog kantona, kancelarijsko poslovanje, radno pravo, krivično pravo (materijalno i procesno pravo), prekršajno pravo, propisi iz oblasti sigurnosti saobraćaja na putevima, javnog reda i mira, javnog okupljanja, nabavljanja, držanja i nošenja oružja i municije na području Unsko-sanskog kantona, propisi o ličnoj karti, ličnom imenu, prebivalištu i boravištu građana.

Pitanja za test općeg znanja se koncipiraju tako da se uz pitanje ponude tri opciona odgovora od kojih je samo jedan točan.

Teme zapisani rad odnose se na praktičnu situaciju uvezi sa ulogom policije u društvu, oblast javnog reda i mira, sigurnost saobraćaja na putevima u Bosni i Hercegovini i druge oblasti iz nadležnosti Uprave policije.

Sadržaj testa fizičke sposobnosti

Test fizičke sposobnosti obuhvata pet disciplina i provodi se prema standardima fizičke sposobnosti datim u Aneksu 2. ovog Oglasa.

Kandidati koji su stekli uvjet za pristupanje ovom testu, odnosno koji su dokazali ispunjavanje propisanih uvjeta i koji nisu eliminirani na testu općeg znanja, razvrstaju se u grupe i testiraju primjenom odgovarajućih standarda fizičke sposobnosti, a zatim rangiraju prema ostvarenim rezultatima, odnosno ukupnom broju bodova ostvarenih ovom testu.

Test fizičke sposobnosti provodi se uz pomoć pripadnika Jedinice policije za specijalističku podršku Uprave policije koje odredi direktor Uprave policije posebnim rješenjem uz prisustvo i nadzor Komisije za izbor.

Kandidat je obavezan prije pristupanja testu fizičke sposobnosti potpisati Izjavu da dobrovoljno pristupa testu fizičke sposobnosti te da je upoznat da, u slučaju njegovog povređivanja ili drugog oblika narušavanja zdravstvenog stanja, Uprava policije ne snosi nikakvu odgovornost. Obrazac Izjave o dobrovoljnom pristupanju testu fizičke sposobnosti sačinjava Komisija.

Provođenje testa fizičke sposobnosti sa svakim kandidatom će se audio-vizualno bilježiti, a kandidat potpisuje izjavu da je o tome upoznat na obrascu izjave koji sačinjava Komisija.

Drugi test koji se smatra potrebnim ili opravdanim

Za kandidate koji ostvare jednak broj bodova, Komisija može provesti drugi test koji smatra potrebnim ili opravdanim (npr. intervju). Ovaj test se provodi samo za posljednje rangirane kandidate u odnosu na oglašeni broj slobodnih radnih mjesta. Bodovi ostvareni na intervjuu se odnose samo na kandidate za koje je i proveden ovaj test, a ne na ostvarene bodove drugih kandidata koji učestvuju u procesu testiranja.

Eliminatorni prag

Eliminatorni prag predstavlja onaj broj bodova koji je dovoljan za uspjeh kandidata na testu i sticanje prava za pristupanje narednom testu.

Eliminatorni prag za test općeg znanja početni čin policajac predstavlja 60%, a za početni čin mlađi inspektor 70% od maksimalnog broja bodova koji se mogu ostvariti u ovoj vrsti testa.

Pisani rad ocijenjen ocjenom 0 (nula) je eliminatoran.

Ukoliko kandidat kod testa fizičke sposobnosti ne postigne najmanje 5 bodova ili iz dvije discipline bude ocijenjen ocjenom 0, isključuje se iz dalje procedure.

Ukoliko kandidat ne ostvari eliminatorni prag na određenom testu, tada gubi pravo da pristupi narednom testu i isključuje se iz daljeg izbornog procesa.

Nepristupanje ili kašnjenje kandidata, iz bilo kojeg razloga, zakazanom testiranju ili terminu održavanja ljekarskog pregleda, smatra se kao odustanak kandidata od podnesene prijave.

VI - KRITERIJI I DODATNO BODOVANJE KOD ZAPOSŁJAVANJA BRANILACA I ČLANOVA NJIHOVIH PORODICA

Nakon provođenja i izvršenog bodovanja testa općeg znanja i testa fizičke sposobnosti, kandidati koji su zadovoljili eliminatorni prag, ostvaruju dodatni broj bodova u skladu sa odredbama Zakona o dopunskim pravima branilaca i članova njihovih porodica („Službeni glasnik Unsko-sanskog kantona“, broj: 31/20, 9/23, 27/23 i 15/25) i Uredbom o uvjetima, kriterijima i postupku za ostvarivanje prava na prednost pri zapošljavanju („Službeni glasnik Unsko-sanskog kantona“, broj 20/22).

Dodatne bodove kandidat ostvaruje ako uz Prijavni obrazac (Aneks 1) priloži:

1. uvjerenje gradske/općinske službe nadležne za boračko-invalidsku zaštitu kojim dokazuje da se na njega odnosi odredba člana 22. Zakona o dopunskim pravima branilaca i članova njihovih porodica, uz obavezno naznaku sa tačno navedenim brojem mjeseci učešća u Oružanim snagama BiH;
2. uvjerenje izdano od strane Službe za zapošljavanje kojim dokazuje da je nezaposleno lice;
3. ovjerenu izjavu u kojoj navodi:
 - da pravo iz člana 22. Zakona o dopunskim pravima branilaca i članova njihovih porodica ostvaruje prvi put u kantonalnim organima uprave, kantonalnim upravnim organizacijama, kantonalnim ustanovama, gradovima/općinama,
 - da nije lice koje je radni odnos zasnovalo na osnovu ranije ostvarene prednosti pri zapošljavanju,
 - da nije lice koje je po prestanku radnog odnosa ostvarilo pravo na otpremninu.

Dodatne bodove kandidat ostvaruje i ako je zaposleno lice, a iz radnog odnosa ostvaruje minimalnu platu utvrđenu od strane Vlade F BiH ili je zaposlen sa nižom stručnom spremom od one koju posjeduje, što dokazuje uvjerenjem izdatim od strane poslodavca kod kojeg je zaposlen.

VII - OBAVJEŠTAVANJE

Komisija na oglasnoj ploči Ministarstva unutrašnjih poslova Unsko-sanskog kantona i internet stranici Ministarstva unutrašnjih poslova Unsko-sanskog kantona - mupusk.gov.ba, objavljuje:

- listu kandidata koji su ispunili uvjete za pristupanje testiranju i listu kandidata koji nisu ispunili uvjete za pristupanje testiranju;
- listu ostvarenih rezultata za sve kandidate koji su pristupili testiranju, na osnovu ukupnog zbira rezultata svakog od testova, te liste kandidata koji nisu pristupili testiranju i koji su isključeni iz daljeg postupka izbora, s navođenjem razloga isključenja;
- konačnu listu kandidata koji se upućuju na osnovnu obuku za kadete.

VIII - TRAJANJE OBUKE I PROBNOG RADA

Odabrani kandidati pohađaju osnovnu obuku kao kadeti.

Osnovna obuka za početni čin „policajac“ traje ukupno pet (5) mjeseci teorijske nastave na Policijskoj akademiji Federalnog Ministarstva unutrašnjih poslova u Sarajevu.

Osnovna obuka za početni čin „mlađi inspektor“ traje ukupno četiri (4) mjeseca. Tri (3) mjeseca teorijske nastave na Policijskoj akademiji Federalnog Ministarstva unutrašnjih poslova u Sarajevu i jedan (1) mjesec praktične nastave u organizacionim jedinicama Uprave policije Ministarstva unutrašnjih poslova Unsko-sanskog kantona.

Međusobne obaveze kadeta i policijskog organa uređuju se posebnim ugovorom.

Po uspješnom završetku osnovne obuke, kadeti zasnivaju radni odnos u Upravi policije Ministarstva unutrašnjih poslova Unsko-sanskog kantona na neodređeno vrijeme.

Po preuzimanju dužnosti policijski službenik je na probnom radu. Probni rad policijskih službenika obuhvata uvođenje u posao i radni period koji ukupno traje 12 mjeseci.

IX - OGLAŠAVANJE

Javni oglas će se objaviti u tri dnevna lista i to: Dnevni avaz, Oslobođenje i Nezavisne dnevne novine i na internet stranici Ministarstva unutrašnjih poslova Unsko-sanskog kantona - mupusk.gov.ba.

X - ROK I MJESTO PRIJAVLJIVANJA

Prijava na javni oglas sa potrebnim dokumentima se podnose se u roku od 30 dana od dana posljednje objave.

Prijava se podnosi u zatvorenoj koverti neposredno na pisarnici Ministarstva unutrašnjih poslova Unsko-sanskog kantona ili se dostavlja putem pošte preporučeno na adresu:

Ministarstvo unutrašnjih poslova Unsko-sanskog kantona
Uprava policije
Ulica 502. Viteške brigade broj: 2., 77000 Bihać
**„Komisija za izbor policijskih službenika
u početni čin „mlađi inspektor”
i u početni čin policajac”
sa naznakom:**

**„J A V N I O G L A S
za popunu upražnjenih radnih mjesta policijskih službenika u
u početni čin „mlađi inspektor” i u
početni čin „policajac”
u Upravu policije Ministarstva unutrašnjih poslova
Unsko-sanskog kantona“**

-NE OTVARAJ-

Sastavni dio ovog Oglasa čine obrasci: Aneks 1 - Prijavni obrazac za početni čin „policajac“, odnosno Prijavni obrazac za početni čin „mlađi inspektor“ i Aneks 2 – Test fizičke sposobnosti.

**PREDSJEDAVAJUĆI KOMISIJE ZA IZBOR
Glavni inspektor**


Mario Velić